



Ina summa da record per cristians persecitads

L'Ovra d'agid catolica internaziunala, «Kirche in Not», ha rimnà l'onn da corona 2021 donaziuns en l'import da 133 milliuns euros per sa gidar cun cristians persecitads e paupers. Be en Svizra ed en il Principadi da Liechtenstein èn 8,5 milliuns vegnids ensemen per quest intent. Grond merit per tal success n'ha betg sulet il mainagestiu da «Kirche in Not» en Svizra, *Jan Probst*, mabain era *Lucia Wicki-Rensch*, oriunda da Trun, che s'engascha cun grond success pli che 20 onns sin il camp d'infurmaziun per quella ovra d'agid. L'onn passà – il segund onn da corona – han donaturs e donaturas pussibilità en 24 stadis da porscher agid tras «Kirche in Not» en la summa da pli che 105 milliuns euros.

Dals 105 milliuns euros èn 92,8 milliuns vegnids impundids per sustegnair 5298 projects en 132 pajais, nua che la Baselpgia vegn persecitada e patescha era fitg da la paupradad. 13 milliuns èn vegnids utilisads per che la Baselpgia possa ademplier sia missiun. Las do-

naziuns èn tuttas vegnidas da persunas privatas, siond che «Kirche in Not» n'accepta nagina donaziun publica.

La pandemia ha pretendi blers meds en favur da pajais en svilup en l'Asia, Africa ed en il Proxim Orient. Gidà han ins era spirituals e conventuals en scolaziun, tar la construcziun e renovaziun da baselgias e claustras e centers pastorals. En tut èn pli che 52 000 spirituals vegnids sustegnids en l'Africa, Asia, Europa da l'Ost, America Latina cun stipendis per messas. Profità han era pli che 13 000 seminarists e dapi 2004 èsi schizunt passà 237 000 tals. L'onn passà ha «Kirche in Not» sustegnì projects en passa 1100 diocesas. Quai è ina terza da tuts uestgieus sin il mund.

Era è «Kirche in Not» fitg leda che l'Ucraina ha retschavì ils davos mais da cristians en Svizra ed en il Principadi da Liechtenstein grond sustegn finanziel, siond la misergia là fitg gronda pervia da la guerra. (cdm/gc)